



UNIVERSITÄTS-  
BIBLIOTHEK  
PADERBORN

# **Conceptvs Chronographicvs De Concepta Sacra Deipara**

**Zoller, Joseph**

**Augustæ, Anno 1712**

XLVI. Mundate domum Domini Dei Patrum vestrorum, & auferte omnem  
immunditiam de Sanctuario. 2. Paralip. c. 29. v. 5.

---

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)



plissimum fructum, ac gratissimum premi-  
um percepisse.

Felix porrò, ac ter felix Beatissi-  
ma Virgo! in quam solam non per  
unius tantùm diei spatium, sed ab  
omni aternitate, non hominum mul-  
titude, sed ipse omnium hominum  
Creator, oculos suos ita indefinenter  
defixos tenuit, ut hæc sola unicum  
semper fuerit Theatrum, unicus lu-  
dus, unicum spectaculum, quo de-  
lectabatur, ac capiebatur DEUS, om-  
nibus longè posthabitis. Dicere qui-  
dem poterant aliquando reliqui San-  
cti, ac præfertim Martyres: *Spectacu-  
lum facti sumus Mundo, & Angelis, &  
hominibus.* I. Corinth. 4. v. 9. MARIA  
econtrà sola dicere poterat: *Specta-  
culum facta sum, Mundi, Angelorum,  
& hominum Creatori, Ludebat ni-*

mirùm illa coram eo omnî tempore,  
quæ tam formosa semper apparuit, ut  
cor DEI penitus fecerit avolare, ob-  
tutu Numinis sine intermissione ver-  
sus ipsam directo, in Morte, Vitâ,  
& imprimis, ac excellentissimè qui-  
dem in novissimo Conceptionis mo-  
mento, ne damnum pateretur integ-  
ritas primæ justitiæ, ipsi soli, tan-  
quam futuræ Ejus Genitrici debita.


§. 7. *Anagramma.*

AVE, angVEM ILLibato 315.  
peDe Conterens!

*Anguem palantem, Jo! mira Eva trucidas!*

Versio litteralis.

*Ave Maria, gratiâ plena, Dominus tecum.*



De Conceptâ Sacrâ Deiparâ.

CONCEPTUS XLVI.

§. I. *Scriptura.*

316. HabItatIo MVnDa, pVrè  
ConCepta.

2. Paralip. c. 29. v. 5. *Mundate domum  
Domini DEI Patrum vestrorum, & au-  
ferite omnem immunditiam de Sanctu-  
ario.*

v. 5. **M**Iram Ezechiaë, Regis pijs-  
simi, sollicitudinem, circa  
munditiem Divinæ Domûs,  
ac puritatem Sanctuarij, vel ex eo licet  
colligere, quòd domûs illius Sacræ mi-  
nistros, ac Levitas convocans, sic  
eos fuerit allocutus: *Audite me Levitæ,  
& sanctificamini: mundate domum Domini  
DEI Patrum vestrorum, & auferte omnem  
v. 6. immunditiam de sanctuario. Quem di-  
scursum sic fuit profecutus: Peccaverunt  
Patres nostri, & fecerunt malum in con-  
spectu Domini DEI nostri, dereliquentes*

*eum, averterunt facies suas à tabernaculo  
Domini, & præbuerunt dorsum, clausurunt  
ostia, &c. Hæc adeò observata Sacro-  
rum puritas ipsis etiam Ægyptijs, ido-  
lorum cultoribus erat communis; ut  
enim Plinius loquitur: Quid ita? po-  
L. 14.  
scebant illi Sacerdotem, purâ cum veste, pos-  
C. 19.  
scebant puras lymphas, pura libamina, quid-  
quid mixtum, & impurum, despiciant, &  
indignum Dijs judicabant.*

Quod Rex ille Ezechias suis quon-  
dam Levitis de Domo Domini, hoc  
idem supremus in terris Christi Vica-  
rius Romanus Pontifex suis Sacerdoti-  
bus, Doctoribus, Concionatoribus,  
de Beatissimâ Numinis Genitrice, di-  
cere, ac inculcare videtur. Unum hic  
adduco Paulum V., qui Anno 1617.  
31. Aug. in Decreto, factò in generali  
Congreg. S. R. E. & Universali In-  
quis. expressè prohibuit, ne quisquam  
cujuscunq̃ Ordinis, aut dignitatis,  
aude-

U



audeat publicè concionari, disputare, aut docere, **MARIAM** in originali conceptam. quod Decretum etiam à Gregorio XV. ad privata scripta, & colloquia extensum, Anno 1622. 24. Maij: ab Alexandro autem VII. utrumque, Anno 1661. renovatum fuit. Nonnè autem hoc idem est, ac dicere: *Mundate domum Domini DEI, &c.* id est, mundam, ac puram dicite illam, quam nôstis, dignissimam fuisse **DEI** Domum, qualem paullò ante Conceptus XXXVII. exhibuit. *Auferte omnem immunditiam de Sanctuario*, in quo **DEUS** ipse, Ens purissimum, perfectissimum, &c. recondi voluit; *Ut enim in sordidâ pauperis casâ Regem habitare non decet, ita Christus in animâ peccatorum sordibus contaminatâ non habitat*, ait S. Nilus. *Peccaverunt quidem patres nostri, protoparentes nostri, & fecerunt malum in conspectu Domini DEI nostri, derelinquentes eum*, qui in felicissimum eos statum, ac conditionem, tanquam plenipotentiariorum Paradisi voluptatis inquilinos, omnium reliquarum creaturarum Dominos posuerat, *averterunt facies suas*, mendacissimi serpentis garritione distracti, inque fructum prohibitum, pulchrum visu, nimiam curiositate intenti: Quocirca ex Paradiso jure merito proscripti, poenas dederunt, & claudente post illos ostium Cherubino, flammeoque gladio ulteriore introitum prohibente, miserè dorsum præbuerunt. Non sic tamen mundissima Domus **DEI** **MARIA**, de qua Aggæus optimè prædixit: *Magna erit gloria Domus istius novissima, plus quàm prima*, quæ ipsamet *felix Cæli porta*, nunquam Paradisum sibi clausum sensit, imò potiùs non unius tantum Cherubini, sed mille Angelorum custodientium servitia in promptu habuit, atque adeò non nisi pura, omnî tempore, munda, & immaculata supponenda est. Curiosum hîc occurrit dubium, ab Hugone de S. Victore excitatum, cur nimirum diabolus decepturus Evam, sub Arbore, assumpserit corpus serpentis, & non potiùs columbæ, quæ ramo illius ar-

boris insidere potuisset? cui ipse, ut sequitur, respondet: *Venit ad hominem in serpente callidus hostis, qui fortassis, si permissum fuisset, in formâ columbæ venire maluisset: sed hoc vas sibi Spiritus Sanctus reservavit, quia profecto dignum non erat, ut Spiritus malignus formam homini odiosam faceret, in qua postmodum ei Spiritus Sanctus apparere voluisset: Hæc Hugo Viet.* Quod si ergo dæmoni ingressus in columbam est prohibitus, eam præcisè ob causam, quòd illam Spiritus Sanctus sibi reservavit, tanquam domum, quam brevissimo licet tempore inhabitans, sese mundo ostendere posset: quomodò credendum erit, permissum ei fuisse aditum in animam Virginis, de cujus carne **DEUS** ipse carnem susciperet, & in ejus utero, tanquam in mundissimâ habitatione, longi temporis hospes moraretur? Hæc quicumque attentius consideratis, & vobis dictum credatis: *Mundate domum Domini*, puram nimirum unanimi consensu **MARIAM** dicite, utpote dignissimum ipsius puritatis Sacrarium! sed & aliud Templum, nimirum *Templum DEI, quod estis vos*, purum conservate, *lavamini, mundi estote, sanctificamini*, ut animâ à sordibus depuratâ, ingredi aliquando possitis in *tabernacula dilecta Domini DEI virtutum, in atria Domini, in medium Cœlestis Jerusalem.*

### §. 2. *Authoritas.*

S. GregorII MagnI, De VirgIne  
Conceptâ opInIo.

*Potest hujus montis nomine, Beatissima semper Virgo **MARIA**, **DEI** Genitrix designari; Mons quippe fuit, quæ omnem electæ creaturæ altitudinem electionis suæ dignitate transcendit. An non Mons sublimis **MARIA**? quæ ut ad conceptionem æterni Verbi pertingeret, meritorum verticem, supra omnes Angelorum choros, usque ad solium Divinitatis erexit; hujus enim Montis præcellentissimam dignitatem Isaias vaticinans, ait: *Erit in novissimis diebus preparatus mons domus Domini, in vertice montium: Mons quip-**

Institut.  
ad Mo-  
nach.

S. 2. 7. 10.

Depro-  
priet. &  
epit. re-  
L. 4. c.

Psal. 83.  
v. 2.

317.



quippe in vertice montium fuit, quia al-  
tutudo *MARIE* supra omnes Sanctos re-  
fulsit. In Lib. I. Reg. c. I.

§. 3. *Ratio.*

318. seMeL DeprehensVs, CentIes  
reVs : ergo sIne Labe.

**S**emel deprehensum in delicto, fa-  
ma communis centies deprehen-  
sum, ac reum insimulat: Sed Beata  
Virgo, si contraxisset labem origina-  
lem, fuisset semel deprehensa (quod  
enim, amabo, majus delictum, quam  
meritorium poenae capitalis? & quid  
proximius capitali supplicio, quam de-  
lictum in capite, quo tamen nomine  
peccatum originale, tam in Scholis,  
quam Sacris Biblijs, praecipue nota-  
tur?) Ergo Beata Virgo fuisset centies  
rea. En! ipsamet Lutheri blasphemiam,  
dicentis: *Et quis inter homines  
major peccator, quam haec ipsa Mater DEI?*  
in Evang. Dom. post Epiph. Si au-  
tem deprehensam dicas, ad castra Me-  
lanchtonis transfugis, sic discurentis  
in c. 2. Joann. *MARIA apud DEUM,  
vel mulier peccatrix, vel Syrophoenissa.*  
Ergo denegato Beatae Virginis illibatae  
immunitatis privilegio, vel ad blas-  
phemias adversus Sanctissimam *MA-  
RIAE* vitam perventum jam est, vel  
cum pietate fidelium, pro immacula-  
ta Ejusdem Conceptione, veluti pro  
Aris, & focus standum erit.

§. 4. *Historia.*

319. S. LeoCaDIæ è rVMVLO  
sententIa.

**D**ivum Ildephonsum, Archi-Epi-  
scopum Toletanum, illustrissi-  
mum Benedictinae nostrae Familiae Si-  
dus, singularem fuisse Virginis sine la-  
be conceptae fautorem, ac Zelosissi-  
mum defensorem, clara est Sanctae  
Leocadiae è tumulo sententia; ita  
enim suo ex Sepulchro familiarissimum  
sibi Ildephonsum, clara voce, est al-

locuta: *Ildephonse, Ildephonse! per te vi-  
vit gloria Dominae meae, Matris DEI.* Nec  
immerito testimonium hoc Leocadia  
de Ildephonso perhibuit; cum enim  
ille Librum, quem de Virginitate pu-  
rissimae DEI Genitricis magno labo-  
re conscripserat, complevisset, ap-  
paruit ei ipsa Virgo Beatissima, tenens  
dictum in manibus Librum, ac gratias  
referens, acceptissimum sibi opus con-  
fectum affirmavit. Ille vero, cum  
amplius in dies honorare eam propo-  
suisset, constituit, ut Festivitas illa,  
quae antehac in memoriam Concep-  
tionis, & Nativitatis simul celebraba-  
tur, divideretur, ac singularis annua  
Solennitas, octava ante Nativitatem  
Domini die, in honorem immacula-  
tae Conceptionis, vel certe (ut alij  
volunt) expectationis ageretur, quae  
Solennitas, nostris modo temporibus,  
per universam Ecclesiam, sexto Idus  
Decembris celebrari obtinuit. Quam-  
vis Eusebius Nierembergus expressè  
ostendat, Ildephonsum jam tum in  
Hispania celebrasse Festum Immacu-  
latae Conceptionis, seu animationis,  
ac unionis Animae cum corpore, la-  
bis originariae expertis. Unde alia  
rursum vice, apparentem sibi habuit  
Beatissimam Virginem, quae vestem  
illi sacerdotalem, Casulae communi-  
ter vocabulo indigitam, albi coloris  
attulit, ac Cathedram, utpotè Do-  
ctori sibi gratissimo obtulit. Nec  
praetereunda hic silentio verba illa,  
quae, teste Joanne Mano, celeberrimo  
Sorbonae Doctore, in prol. defen-  
sor. ipsamet Beatissima Virgo non-  
nulli revelare dignata est: *Occiden-  
talem olim Hesperiam amore prospiciens,  
Praesuli Toletano, amico meo Alphonso (id  
est Ildephonso) me sordes primae originis,  
mortisque veteris minimè contraxisse, reseravi  
fideliter, Casulam meae gloriae pignus donans,  
in testimonium veritatis.* Trithemius in  
*Lib. de scriptorib. Ecclesiast. Calen-  
dar. Mariano-Benedicti-  
num, &c.*

\* \*



§. 5. *Symbolum.*

320. VniCornIs, speLVnCâ sVâ ab  
eXterIs anIMaLlbVs oCCVpa-  
tâ, VLterIVs sVbIre  
reCVfans.



Cur, ausu petulante, meum penetrare cubile  
Non dubitas? Hospes displicet: ibo aliò.  
Numinis hinc Sacrum maculam penetrasse cubile,  
Ne credas! Genito displicet ista suo.

*Ediscavit, sicut Unicornium, Sanctificium su-  
um in terrâ. Psal. 77. v. 69.*

§. 6. *Antiquitas.*

321. PaVones haVD oCCI-  
DenDI.

Eò jamjam felices Magni Alexan-  
dri progressus devenerant, ut  
ipsas etiam longissimè remotas Pro-  
vincias, invincibilè prorsùs armorum  
potentiâ pervadens (referente Aeli-  
ano) Triumphatoris ubique nomen  
gloriosus retulerit. Porrò memora-  
tus Scriptor specialiter posteritati  
transmissum voluit, quòd, cum in  
Indias quoque Alexander penetrâisset,

adeò captus fuerit pulchritudine Pa-  
vonum, illis in partibus, in magnâ  
copiâ repertorum, ut specialè edicto,  
sub pœnâ gravissimâ, vetuerit, ne ad  
instar reliquarum avium, speciosi hi  
volucres telis peterentur, aut alio quo-  
vis modo, violentiam paterentur;  
dicere nimirum Alexander consueve-  
rat: haberi in Pavonibus compendi-  
um pulchri; adeò, ut quidquid in  
Floribus, in Avibus, in Iride, in Gem-  
mis pulchrum, & varium reperitur,  
id totum in Pavonis Syrmate, ac cau-  
dâ, coloribus gemmante, contentum  
habeatur.

Ut Pavo, ex mente Alexandri,  
Compendium pulchri, sic MARIA, ex men-  
te SS. Patrum, *compendium est gratia*:  
in Pavone omnium Florum, Avium-  
que colores: in MARIA omnium cre-  
aturarum, terrestrium, Cœlestium-  
que miracula: quidquid in alijs spar-  
sum est, in hanc unam convenit: In  
Patriarchis Fides, in Martyribus  
Constantia, in Virginibus Puritas, in  
Seraphinis Amor, in MARIA omnia.  
Si ergo tantum in magno illo Alexan-  
dro potuit externa illa Pavonis pul-  
chritudo, ut Avem hanc unam non  
occurri, huic uni parci à venatoribus  
vellet: cur non major, tam intrin-  
seca, quàm extrinseca Beatissimæ Vir-  
ginis pulchritudo DEUM permoverit,  
ut solam à peccati communis interne-  
cione, te quoque originalè immunem  
juberet, ac infernales venatores, nè-  
mini alteri in conceptione parcentes,  
à petendâ MARIE innocentia prohibe-  
ret?

§. 7. *Anagramma.*

DeIpara, pVra à Labe, Ignara 322  
MaCVLæ.

*Præmatum tenes, ô Diva! ignara maculae,  
Versio litteralis.*

*Ave Maria, gratia plena, Dominus tecum.*

De